

## Dumonda Atanes concernent la plattform [innolab.graubünden.ch](https://innolab.graubünden.ch)

Il cumenzament da l'onn 2024 ha Grischun Vacanzas avert la plattform chantunala [graubünden.ch](https://innolab.graubünden.ch) (<https://innolab.graubünden.ch/>) per tuttas e tuts. Fin lura era questa plattform reservada mo a las spezialistas ed als spezialists dal turissem. Tenor las explicaziuns sin la pagina d'internet è il portal ina part integrala dal process d'innovaziun che Grischun Vacanzas vul sviluppar ils proxims onns. Quai cun la finamira da rimnar ideas d'instituziuns sco er da persunas privatas per sviluppar novs products e models da fatschenta.

Sin la plattform [innolab.graubünden.ch](https://innolab.graubünden.ch) vul Grischun Vacanzas rimnar ideas e propostas innovativas per sviluppar il turissem en il Grischun a media ed a lunga vista. La finamira è d'attrair dapli giasts e da stgaffir ina plivalur persistenta per las destinaziuns.

I n'è betg l'emprima giada, che tant la pagina d'internet da la plattform sco er ses cuntegns èn disponibils exclusivamain en tudestg, cumbain che l'avertura per in vast public duai motivar glied da tut las regiuns dal chantun da contribuir uschè bleras atgnas ideas sco pussaivel.

En vista a questas circumstanzas sco er a las finamiras decleradas da la Regenza en connex cun la promoziun da las linguas minoritaras chantunalas, tschantan las sutsegnadras ed ils sutsegnaders las suandantas dumondas:

1. Pertge vegnan las linguas minoritaras adina puspè «emblidadas» sin ils portals uffizials dal chantun?
2. Èsi planisà da translatar ils cuntegns dal portal en las autras linguas chantunalas (e sche gea, cura)?
3. Datti directives che prescrivan, co che novs portals chantunals duain vegnir mess en la rait?  
Sche betg: Ha la Regenza l'intenziun d'elavurar directives en quest sector?
4. Tge quinta la Regenza da far, per che talas «negligientschas» vegnian evitadas en l'avegnir?

Cuira, ils 23 d'avrigl 2024

**Atanes**, Michael (Castasegna), Righetti, Bachmann, Bardill, Baselgia, Bergamin, Berthod, Berweger, Binkert, Bischof, Bisculm Jörg, Collenberg, Degiacomi, Della Cà, Furger, Gartmann-Albin, Gredig, Haltiner, Hermann, Hoch, Jochum, Kaiser, Kocher, Kohler, Kreiliger, Loepfe, Luzio, Mazzetta, Menghini-Inauen, Nicolay, Preisig, Rettich, Rusch Nigg, Rutishauser, Saratz Cazin, Sigron, Spagnolatti, Ulber, Wilhelm, Zanetti (Sent)